

清華外史

金鑑

卷二
從緒翰中

讀書紀略

卷一
詩經

清季外交年鑑卷二

光緒二十一年正月至二十七年十二月

黃巖希隱王

亮輯

子孝章敬立校

光緒二十一年乙未即西曆一千八百九十五年

正月 李鴻章電據戴宗騫報孫萬林等迎擊日兵前隊獲勝 張

蔭桓等電接駐日美使電日官改於神戶相迎 長順裕祿電派各

軍分路前進訂期合圍 劉坤一電吳大澂已出關灤樂山海關等

處遵旨妥籌布置 魯撫李秉衡電調兵駐紮榮成縣西之戾頭以

遏通威之路 依克唐阿電兩次攻海城因兵單事敗垂成請令各

軍聯絡專攻一路 李鴻章李秉衡電據戴宗騫等報威海南路苦

戰十日擊沉兩敵艦現龍廟嘴鹿角趙北等處礮臺均失陷 李鴻章電日船緊攻威海北岸礮臺丁汝昌與戴宗騫商同燬礮避往定遠兵船 李秉衡電威海失守請旨嚴議並擬移扼萊州以固省城門戶 李鴻章電日以我國所齎國書文理不全不允開議 李秉衡電戴宗騫退回劉公島已自盡我水師與日船鏖戰擊沉彼艦數隻請飭章高元軍回東駐紮海豐一帶 又電劉公島已失水軍覆沒恐其西犯遵旨移紮萊州 總署奏息借匯豐銀行一千萬兩暨三百萬鎊訂立合同 張蔭桓等奏和戰相爲表裏請飭統兵大員仍實力防勤以期事易就範 李鴻章電日艦偷進日島定遠等艦均被擊沉自請罷斥 又電據德璀琳函稱俄已與英法訂約日所

索如過奢必設法調停 又電據孫金彪報日游騎至寧海州等處
煙臺商民遷徙一空請派援兵 又電據劉含芳電丁汝昌劉步蟾
張文宣均在威殉難尙存六艦 張蔭桓等電日以使權不足不能
開議現已回滬 又電敕書以乙酉年北洋與伊藤互換文式爲妥
命李鴻章入覲以王文韶署直督 李鴻章電接張蔭桓電伊藤
於議和事似欲主議者當機能斷免爲英俄所持 又電接張蔭桓
電擬延律師科士達襄辦和議已屬轉留 楊儒電請以擬賠日費
聯絡英俄助勦 龔照瑗電法外部言和局已與英俄商竭力調處
署直督王文韶電俄主語王之春自願與英主出爲和解 李鴻
章電擬入覲後與各國公使密商再往旅順議和 旨張蔭桓著回

京供職邵友濂卽赴湘撫任日本不允開議非該侍郎等之咎 津
道盛宣懷電據港電日兵船至臺灣水線已斷 旨著譚鍾麟設法
運兌臺餉並諭唐景崧督飭劉永福嚴防

中英訂立匯豐銀行一千萬兩暨三百萬鎊借款合同正月初一日

二月 張之洞電請借洋款由各省認還 龔照瑗電英外部言全權

奉命應暗有限制如日言讓地不能允卽可遵停商量之權 王文

韶電擬令聶士成統率各軍作爲津沽游擊之師奉旨屏蔽京畿爲

第一要著著聶士成赴蘆臺駐紮津沽各海口防營均歸總統曹克

忠三十營著專顧津南一路妥籌防勦 張之洞電擬以臺灣作保

向英借款請其派兵輪保衛 宋慶電遼陽大高嶺告急兵少難兼

防勦請示辦法奉旨著長順就近移紮要隘助守遼陽 總署奏敵情叵測時勢阨危李鴻章應速赴長門會議 特授李鴻章議和全權敕書 全權大臣李鴻章奏遵旨赴日本議約預籌大略 宋慶電牛莊失守擬率隊北援遼瀋西防錦州 旨寄長順依克唐阿著聯絡聲勢共保遼陽 王文韶電據袁世凱報營口失守宋慶派隊往援恐難及 李鴻章電乘德船至馬關晤日全權先請停戰意似游移約期再議探知日又運兵出馬關似往臺澎確否遼榆軍情乞示 宋慶電督率馬玉崑等在田莊臺接戰獲勝 張之洞電押款保臺如以爲可請飭龔許兩使籌商 宋慶吳大澂電田莊臺不守請嚴議奉旨著督率各軍以爲進勦之地 龔照瑗電法外部欲商

之事回法再議 使俄許景澄電俄主謂必竭力勸成和議德主允
勸日本所索不宜太過 宋慶電駐守閩陽驛將各軍撤至大凌河
西挖壕嚴守 旨吳大澂疏於調度著撤去幫辦湘軍交魏光燾暫
統仍由劉坤一調度 臺撫唐景崧電請商各公使飭觀戰各兵輪
勿入口 旨寄劉坤一等日船出馬關北窺著飭各礮臺嚴防 唐
景崧電日船犯澎被我礮臺擊沉二隻傷二隻餘逃復回經力戰寇
稍退奉旨該逆尙未遠遁恐其復來應嚴防昨據電奏恒春有船游
弋可飭劉永福妥籌兼顧

三月 張之洞電遵旨通籌大局請將朝廷規畫遇有飭知北洋之事
電飭南洋俾得籌擬奉旨前奉懿旨令該督通籌戰守原指餉械兵

將而言至機宜重要必須慎密北洋事務自有專司安能事事飭南洋知之所請著勿庸議 張之洞電防守海州清江情形 唐景崧電澎湖力戰三日官兵傷亡甚多已失守 依克唐阿電遵旨赴騰羅堡等處扼堵並長順移紮小北河徐慶璋守吉峒峪 唐景崧電北省停戰臺獨向隅臺民憤駭懇飭兵輪應援並飭粵省接濟鎗彈 旨寄劉坤一日允北路暫行停戰聲言將攻臺灣情殊狡詐倘和議難成仍應開戰宋慶擬留銘嵩兩軍分駐石山站自率毅軍移駐大凌河應照准 李鴻章電停戰事請催袁世凱專馬迅遞各軍免滋誤會 又電伊藤謂停戰期迫倘華將再有背謬卽廢約總署電覆華官不諳西例故不就商已諄屬前敵各軍按兵不動希轉告

宋慶電馳抵大凌河西布置一切 龔照瑗電日索地索費事已請

英與俄法德商辦勸阻 許景澄電德勸中日息戰並謂專聽俄廷

定奪 王文韶電停戰期將滿已飭各礮臺實力整備並親赴塘沽

查看 依克唐阿電接日人照會因未奉有彼此議和分界明文經

即發還日自停戰後仍添兵設伏安礮請電知全權籌議 唐景崧

電有策士自日來謂日窘甚若停和議不允賠款彼計立窮又探得

日因疫甚死者多刻在澎抽兵 劉坤一電現各軍鎗械略富兵勇

銳氣可用賠款割地無此辦法 張之洞電馮子材粵軍到齊擬令

節制海州清江諸軍以護運道 又電請借英款調英將整頓水師

李鴻章電與日訂約經已畫押並傷已收口 唐景崧電臺民呈

稱願効死勿割臺地 劉坤一電據丁槐電稱聞割地償費議和不
勝憂憤請堅持戰局 李秉衡電割地請成斷不可允請決意主戰
盛宣懷電巴蘭德言現德約俄法向日開說不允馬關條約 唐
景崧電臺民不服割地恐激他變 李鴻章奏中日會議和約已成
唐景崧電請廢約再戰並商駐京各使公斷 張之洞電接王之
春電西人謂凡勒佔鄰土必視民意爲從違請援普法近例商日
又電日約各條貪婪太甚不論遠患先有近憂伏望熟思深察 譚
鍾麟電臺地難交賠款難籌請動以情理寬展期限 李秉衡電議
和條約尙須斟酌謹披瀝愚忱

中日訂立馬關條約暨議訂專條另約停戰條約停戰展期條約三

月二十三日

四月 宋慶電日人無理要挾願與天下精兵捨身報國 旨寄許景

澄巴使向德廷陳說勸阻新約深堪嘉許著傳旨獎勵 劉坤一電

日挾土人混入遼瀋擬爲內應已拿獲三十餘人 旨寄劉坤一王

文韶和戰兩事卽應立斷著抒所見據實直陳 張之洞電日約萬

分無理地險商利餉力兵權一朝奪盡請商英俄相助因和議已許

割地故爲權宜轉移之策 豫撫劉樹堂電日人慾壑難填請仍戰

免中狡謀 唐景崧電臺民萬衆一心無從分解已請英保護 李

鴻章電聞駐日之德法俄公使照會日廷不許其割據中國毗連之

疆土 總署電德法俄三國以日本新約屬暫緩批准並力勸日本

再加減讓特電致謝 李鴻章電據倫敦電日已覆俄法德三使如
將奉天之地辭而不受必激日人內亂 王文韶電日人要挾狼鷲
現勢成孤注請飭王大臣通盤籌議 鄂撫譚繼洵電和約要挾太
重萬難允從 粵撫馬丕瑤電鉅款難籌要地難棄請改議 依克
唐阿奏敵不足慮請變通和約以絕覬覦而固本根 唐景崧電臺
民血書呈稱萬不從日請照公法以民意爲從違奉旨臺不可棄萬
口交騰著李鴻章熟察情形詳籌挽回之法 李鴻章電改約另議
不敢孟浪 劉坤一電諸將一聞和約義憤填胸皆欲決一死戰坤
惟有力任戰事此外非所敢知 桂撫張聯桂電要盟難許宜策萬
全 唐景崧電臺民聞三國阻約人心稍定 龔照瑗電法廷會議

催日酌退所割土地英似另有主見 楊儒電美願幫助並請我從

緩批准 許景澄電日如不允換約俄當別有舉動 又電三國似

有佈置但仍主持重 張之洞電臺灣民變正合西例可冀西洋各

國動聽 福州將軍穆圖善電請朝廷俯察羣言駁廢謬約 旨著

派聯芳伍廷芳往煙臺互換條約 許景澄電巴使言直歸遼地恐

難或可改暫押 總署電美使田貝請轉達日本展緩換約日期

李鴻章電三國勸緩批准各國外部並未明言難爲確據仍宜暫行

批換 許景澄電俄欲借款與我備償日費英銀行所商請緩定

唐景崧電臺之存亡視批約准否乞密示消息 劉坤一電和議不

成日必犯京畿及遼瀋已會商宋慶安爲布置 總署電李鴻章希

刊給伍廷芳等換約關防 張之洞陳寶箴譚繼洵德馨李秉衡唐
景崧張聯桂等電日事各國現正商辦若倉卒換約必歸咎於我乞
審慎 張之洞電俄已派戰艦赴遼明係俟我換約後向日索遼備
與英戰 換約大臣伍廷芳電同聯芳即乘船赴煙臺關防已領到
裕祿奏據海城紳民稟稱不忍置身化外 裕祿長順恩澤依克
唐阿定安濟祿富爾丹李培元等電將士奮發可與力戰萬勿允和
李鴻章電德璀琳稟稱巴使言和約即換三國仍須費力因日自
說明仍可商改條款 唐景崧電聞與法使立約保臺不知辦否祈
示 李鴻章電聞日已允復三國除旅順外交還遼東但須以他項
相抵 又電據報俄國有鐵甲快艦等到煙 陝藩張汝梅電日人

要挾太甚割地賠款均不可從 甘督楊昌濬電聞中日和約各條

可痛李鴻章老悖草率畫押想朝廷必有斟酌 唐景崧電臺灣變

在俄頃請商法輪速來 李鴻章電日已遵俄法德勸不據遼地請

速換約 又電接龔使電英勸日勿與三國爲難 伍廷芳等電遵

旨與日使換約並日使送還照會三件 李鴻章電聞法廷欲制臺

澎日軍 劉坤一電聞日計欲由灤河登岸進窺永平擬暫駐唐山

認真整備 晉撫胡聘之奏請飭另議和約速籌戰守以固人心

旨寄許景澄龔照瑗三國爭回全遼著傳旨致謝 署吉林將軍恩

澤電日奸細在海參崴繪俄礮臺圖被獲收禁又聞俄已擊毀日船

一艘 唐景崧電請聯合各國公保臺灣 張之洞電請借德商瑞

記款一百五十萬鎊奉旨經總署戶部議定准借用一百萬鎊唐景
崧請籌餉銀五十萬兩著卽陸續解往 李鴻章電煙臺現泊俄艦
十二艘若臨敵然 唐景崧電請邀各使與日商安臺民之策 李
鴻章電伊藤對臺事未覆法議保臺似尙游移 總署與法使商保
臺灣法使謂日已允讓遼東臺事本國未便干預 旨寄張之洞著
撥鎗萬枝解臺 許景澄電俄主願中國償費早給日兵早退已飭
部備款待借 李鴻章電日已派臺灣巡撫請我派員移交 龔照
瑗電聞法與他國密議臺事暫不使華與聞恐生枝節 總署電許
景澄俄詢借款辦法可告以分償押保向例現德法亦願借款俟俄
款商定再與酌訂 李鴻章電現電商伊藤請令樺山暫緩起程乞